

罪  
惟  
錄

五  
一



罪惟錄列傳卷之二十

荒節諸臣列傳

解縉

子婦

解縉字大紳，江西吉水人也。父開，洪武初以薦召見華蓋殿，勸帝明德慎罰，帝欲官之，固辭歸。縉幼才敏，十八舉鄉試第一。戊辰，與綸並第禮部，綸授禮部主事，縉為庶吉士，縉常侍上大庖西室，草封事萬餘言，其畧有曰：陛下挺生南服，功高萬古，臣願以天地為一體，以天下為一人，令出唯行，不宜數改。刑期於無刑，寧失不經，乃立國至今，且二十載，無幾時，無仁變之法，無一日無仁過之人，良由誠信

有間用刑太繁也。臣見陛下好觀說苑、韻府雜書、夫說苑

出於劉向，上學不純，多戰國縱橫之說。韻府出元陰時夫

鄙猥細儒，蠅集一時，畧無可采。陛下統統於畏天畏鬼

神，所謂畏民者未至也。孽上於治民，治強暴所以治心者

未至也。近年以來，臺綱不肅，以刑民輕重為能事，以問囚

多寡為勳勞，甚非所以厲清要、長風采也。御史糾彈皆承

密旨，未聞舉善，但曰除奸，蓋入人之罪，或謂無私而出人

之罪，必疑受賄，迎逢甚易，而或蒙褒營救，甚難，而多得禍

建不為君用之法，所為取之盡，錙銖置朋奸，倚法之條，所

謂用之如泥沙。監生進士，經明行修，而多困於州縣，屈於

下僚。孝廉人材。真蹈躄趨。而成布於朝首。驟歷清華。推埋  
器悍。闡葺下愚者。朝捐刀鑷。暮擁冠裳。左棄筐筥。右縮符  
章。雖曰立賢無方。亦豈忱恂有德。古者鄉隣善惡。必記。今  
雖有申明旌善之舉。而無党庠鄉學之規。互知之法。雖嚴  
訓告之方。未備。陛下天資至高。合於道微。百家神怪。誕妄  
恍惚。無不洞燭其謬。然猶不免以愚弄天下。若所謂以神  
道設教者。臣謂不必然也。夫罪人不孥。罰弗及嗣。連坐起  
於秦法。孥戮本於偽書。今之為善者。妻子未必蒙榮。有過  
者。里胥必蹈其罪。况律以人倫為重。而有給配婦女之條。  
聽之於不誼。則亦何取。夫節義哉。上覽之喜。稱奇才。已又

獻太平十策。上皆嘉納之。乞歸。期十年來朝。及朝。縉蓋懋

所學矣。又八年。上崩。縉

入臨京師。被勅。論

河州衛

更定文

中。召還為翰林侍詔。燕王內難。縉與楊士奇等相

約。同列

國。已獨周。是脩如約。餘皆迎戴。進秩有差。遂與中書舍人

黃淮。每侍奉天門御榻。備顧問。不數日。入內閣。諸制詔咸

出。縉手尋復。召湖廣楊士奇。金幼孜。胡儼。楊榮等。共直文

淵閣。縉以侍讀學士。總裁高皇帝實錄。上賜諸直閣五品

公服。令七人命婦。赴柔儀殿。朝中宮。中宮訓勞如上。語賜

七命婦。冠服亦如之。時在廷多功。皇子高煦。幾搖國本。上

私語縉曰。世子純孝。天下歸心。願皇孫不凡。上意決。皇

太子立。陞縉左春坊大學士。乃往。微及漢玉。毋以過。寵致生。觀覲。上怒。頗踈縉。高煦益使人謗縉。漏洩禁中語。會上欲征交趾。縉爭不可。上益怒。出縉為廣西右叅議。李至剽者。遂逢上指。謫縉。怨望。改交趾。縉居交趾四載。入京。上方北征。縉謁東宮辭去。及上還。高煦言。縉瞰上出塞。密覲儲君。無人臣禮。縉方偕檢討王儼。道廣東。娛山水。因上封事。請用數萬人鑿贛江。以便往來。上怒。曰。人臣受事。輒引而避去。乃更欲勞民如此。逮縉。并儼下詔獄。儼先縉瘦死。永樂十三年。錦衣上囚籍。上見縉名。曰。錦衣猶有解縉手。錦衣帥遂飲縉酒。為泣下。縉解意大醉。坐雪中。暴卒。籍其

家徙妻子遼東。初上嘗書廷臣十人名，命縉疏其品行。縉  
其實封以對，曰：「蹇義天資厚重，中無定見，夏原吉有德有  
量不遠小人，劉儁雖有才幹，不知顧義，鄭賜可謂君子，頗  
短於才，李至劓誕而附勢，雖才不端，黃福秉心易直，確有  
執守，陳瑛刻于用法，好惡頗端，宋禮覲直而苛，人怨不恤，  
陳洽䟽通警敏，亦不失正，方賓薄書之，和駟儻之心，上覽  
之，顧東宮曰：「李至劓朕洞燭之矣。」東宮因問縉，尹昌隆、王  
汝玉何如。縉曰：「昌隆君子而量不弘，汝玉文翰不易得，所  
惜者市心耳。」其後仁宗出縉䟽語，楊士奇曰：「人率謂縉狂，  
縉非狂，向所論十人皆至當，乃赦縉妻子還鄉，官其次子。」



禎<sup>期</sup>為中書舍人。已盡還其故產。弘光中。贈禮部侍郎。謚文

毅。縉喜拔士類。重然諾。表裏洞達。不胥意細故。獨不畏強

禦。文名籍一時。書法亦精絕。緩急人無倦色。或言其濫與

笑曰。雨露豈擇地施。我為詩豪。容曲贍。縉常教人曰。寧為

有瑕玉。勿作無瑕石。此類其為人。妻徐氏。字愛玉。黃州知

府。大受女。能詩。寄衣謫所。情詞淒冽。時文淵大學士胡廣

與縉同官。文皇語廣。當有女。婿縉子。廣曰。臣妻娘未卜

上曰。必女。果舉女。遂以字縉子。禎亮。縉得罪死。妻子戍邊

而廣歎悔。婚女。竊截耳。自誓曰。薄命之婚。皇上主之。父面

承之。背君忘夫。何用生為。即求盡不奪。數年。解氏蒙宥。女

歸禎亮事姑孝謹

論曰大紳庖西萬言皆刺帝隱迺嘉納一再稱奇才  
定策東宮勿兵交趾寔治安以長要議乃竟賜一語以  
死太守任人之於太祖何如矣小說家載緡幼穎悟諸  
嬉戲絕倒即不果大率才露而矜非所以自全緡蒙赦  
後不官禎亮而官禎期中書舍人確據何孟春所云後元  
是真若西揚之志解參謂病死獄中涕之也按成化乙丑  
年禎亮自陳命煇中書舍人舊職豈前未蒙蔭移禎期與  
禎亮乎相傳禎期以不善故不由蔭則非次子明甚或  
禎亮初官坐父罪削舊職之說所自來也

楊士奇

楊士奇名寄墓志云初名寓以字行。五西泰和人生周歲孤。隨母適同里羅性。教歲以不得入羅氏祠堂。怪問其母。母以實告。遂大慟。為土室。私奉楊氏。祖考性見而奇之。使溲姓。年十五。受里中羣兒為社師。弱冠遊章貢。章貢守善之。命揖琴江教事。琴江令入覲。罪死。而士奇方又揖縣事。懼逃之武昌。建文時。遇赦還鄉。王叔英薦入翰林。克編纂。預脩高皇帝實錄。時命吏部考第諸儒。尚書張純奏士奇第一。授吳府審理副。仍令執筆翰林。燕王得國。解縉薦其才。時初建內閣。改授編脩。與縉、胡靖、楊榮、黃淮、金幼孜、胡

儼等同入直。旦百官奏事退。輒造宸前。備顧問。典機密。久之。歷左春坊大學士。侍皇太子。箋請留意真德秀。大學衍義一書。十二年正月。日食。請免賀。與尚書呂震。左。上。授。士。奇言。廣東布政使徐奇入朝。遺所知嶺南土物。或發其遺目。獨無士奇名。上以問士奇。對曰。初奇出都門。公卿皆餞以詩。此通報意。臣病不與也。物微無他上意。解北。巡。留輔太子監國。漢趙二王。數譏危太子。宮僚多得罪。士奇兩被逮。下錦衣獄。而特見宥。仁宗踐祚。喪服踰廿有七日。士奇加爭。不宜遽易服。上是之。陞禮部左侍郎。兼華蓋殿大學士。累加少傅。兼兵部尚書。舒仲成常以御史忤監國時。士

奇為力言不宜追理其罪以信詔令於天下定科舉南北  
四六為額永為例言官以指訐得罪者士奇多為開解尚  
書李慶請朝覲官領馬歲課其息罰與民同士奇反覆痛  
言之謂朝廷以禮待士大夫豈宜使之執賤上曰朕不欲  
以卿言遽罷恐慶等交口卿也批免陝西按察使陳智章  
中宣德元年上械漢庶人還尚書陳山遂欲移師逼趙群  
臣皆請如山策獨士奇不可頃之上卒念士奇言待趙王  
不失親上之禮安南黎利請立王孫焉為陳氏後士奇贊  
揚榮議必許之方面郡守聽三品以上京官及藩臬使薦  
用俾他日得連坐自是守令共稱得人寬恤屢詔上皆與

士奇密議上好微行常夜半至士奇第士奇曰陛下輕身  
祭宗廟社稷何時蹇義與士奇皆蒙信重而蹇受事常持  
兩端得士奇乃決帝上賓張太后取棗府金符入內籍  
且議長君士奇語榮曰梓宮未殯主少國疑祖宗社稷之  
托非吾等誰任八臨畢即請見皇太子皇太子出士奇榮  
叩頭呼萬歲殿下群臣亦皆叩頭呼萬歲浮議遂息是時  
英宗方九歲天下事皆白皇太后太后付三楊三楊者榮  
為東楊溥南楊士奇西楊士奇首請開經筵簡侍從上冲  
年未能親閱章奏每日預擬陳八事取旨閣振雖日侍起  
居皆權寵內畏太皇太后稍斂戢太后嘗使振持事詣閣

議振因與士竒置可否。士竒謝閣事三日不出。太后使人慰問。楊榮條故。太后大怒。詔鞭振。令赴閣中謝罪。以故數年間政治清明。天下稱三楊。以宣宗實錄成。進少師。士竒尋與南楊共爭僉事。廖謨杖死。驛丞事皆有私。遂為振所持。漸廢。其短於太后。稍弄權。而三楊年亦向衰。風裁非復曩時。嗣東楊為振所中。卒。而太皇太后崩。天子益比振。上益橫。士竒子稷多為不法。數毆殺人。為鄉人訐奏。被逮。死。士竒慚。憤病。卧不出。遂卒。贈太師。謚文貞。士竒卒後四年。而南楊亦卒。裔孫載鳴。嘉靖中進士。督學東粵。寅秋萬曆初進士。初授東莞令。召入為侍御史。出僉憲雲南。莞良為

立生祠寅秋子嘉萬曆丙辰進士

論曰相傳文貞溺愛稷同鄉曹九鼎以典史入試禮部

稱稷循謹無過文貞喜廷試為預露題意于九鼎九鼎

得為狀元事即出野乘而西枋養不率子致吉安口號有

害民楊稷云預製祭文禱祈之亦可謂為國而忘其家者矣

至謂文貞因子故頗善瑄旅遂以絲綸薄付之又謂文貞

婿客京師將歸有知府賍朕幽獄走賂其婿文貞不得

已當問理時遣人飯知府獄法官聞之為停訊卒脫還職

嗟乎勢之所積不言而喻如此若夫恬退自守者不出其門

而指攻己者為輕薄錮其終身則物論久已不平之矣



夏原吉

夏原吉字維詰，湖廣湘陰人。洪武中鄉薦，進太學，選入禁  
廡，書誥勅，特授戶部主事。尚書郁新知其才，教與語事，而  
劉郎中者，故忌原吉，會劾諸司怠事，上已宥之，新以原吉  
言請勿宥，上怒，新問誰教汝，新免冠謝稱堂後書算生教  
臣，死罪。劉郎中必以原吉承之，上曰：聞原吉能佐尚書，  
願若必欲死原吉乎？劉郎中與書算生皆棄市。建文初陞  
戶部右侍郎，出巡撫福建，未幾移蘄州，金川不守，降燕，轉左  
逾月，進尚書，晨夜悴事，經度無乏。永樂元年，兵制大水，出  
治河，農田大利。七年，從上北巡，上征阿魯台，輔太孫留守。

原吉每旦入朝，獨從宸前參決機務。朝退，郎中御史環請，口應手判，聲色不動。上都北京三殿災，原吉請蠲逋負，恤流移，以回天意。時言者多以遷都不便，主事蕭儀言尤峻。上怒殺儀，跪言官典諸大臣午門，難遷都利害。原吉獨自引罪，上兩宥之。西域法王來朝，上欲郊勞，原吉爭不可。上逆止，上見法王便殿，命原吉下拜，原吉不肯拜曰：「臣一屈膝，辱天子大臣，死不奉詔。」上笑曰：「卿欲效昌黎愈乎？」過侍郎楊勉之，遠矣。十九年，上議征鹵，原吉力諫，有云：「聖躬少安，尚須調護，勿煩大師。」上怒繫內官監，尋以尚書呂震謀必殺原吉，皇太孫力營救，獲免。上竟北征阿魯台及兀良。

哈明年又征阿魯台。又明年北征還至榆木川。上不豫。顧  
左右曰。迺知原吉愛我。計至太子。走繫所。呼原吉。泣且問  
國事。原吉曰。幸少甦。民困復。原吉戶部尚書。初原吉在繫。  
不奔內艱。於是乞終制。上不許。曰。國有大喪。正須共濟。卿  
無母。朕有父子。今有司為原吉治母喪。及皇太子立。兼太  
子少傅。尋進少保。仍兼太子少保。尚書如故。文三俸。是時以  
孤卿而兼宮秩。獨原吉一人。侍講李時勉言事頗激。上怒。  
曰。時勉朝奪朕必殺之。原吉曰。時勉小臣。豈能上損聖德。  
即欲罪之。下法司議。上怒少解。宣德元年。漢王高煦反。以  
誅原吉為兵名。楊士奇首勸上親征。得原吉言益決。從征。

高煦還賜闈者三人。復從巡邊。上取原吉橐中糗嘗之。笑曰：卿甘粗糲如是。對曰：臣得養足矣。願行間將。尚或餒者。上還京，俾典蹇義皆輟部務，論道左右。五年春，奉贈太師，謚忠靖。朝議以為宜贈伯爵，楊士奇持不可。是時蹇夏齊名，義簡重善謀。原吉弘裕善斷。一時公卿雅量推為第一。呂震雲上前指原吉柔奸，及震為子求官，原吉稱震有守城功，足錄。陳暄初歸誠燕，請殺原吉。原吉願薦瑄，才總漕運，嘗午夜闔牖，拍案而嘆：筆不遺下者，再其妻問之，原吉曰：此歲終大辟奏也。吾筆一下，死生決矣。周忱為長史，或薦為郡守，原吉言：此不足展其才。忱得陞侍郎，巡撫嘗

有從隸汗所服織金賜衣。懼欲逃。原吉曰：汗可浣也。又吏壞其所寶石，親召慰之曰：物必有壞，毋懼。在吏部吏捧精微文書，風汗墨。原吉不責吏，詣上前引罪。上命易之，與同列夜飲歸，過禁門，或欲竟趨過。原吉曰：君子不以冥冥惰行。其敬慎如此。子宣尚寶司丞，正統中言兵事，試不果。歷南京太常寺少卿，仍掌尚寶司事。及卒，草居德疏，遣子崇文上之。曰：臣病旦夕死，不言言無日矣。

論曰：原吉誠裕有執持，而才足辨。大紳所云有德有量者是也。相傳潮州慈感寺側有潮音橋，下巨蚌常浮水面。忠靖治水宿寺，夢黑衣白裏人，携一女前，日被隣

豪所迫乞一字止之忠靖為作詩投女詩有三字傾未幾東

至吳淞復夢金甲神出書求改判曰昔聘一隣女以大

人高吟不敢犯幸賜寬假忠靖覺始悟巨蚌為淫蛟所

脅遂牒之海神夜風雨有蛟死吳淞水北事即荒忽然

史載祭鱷渡索等事倘亦誠能動物之偶然者乎

此是海神也... 吳淞水北... 蛟死... 祭鱷... 渡索...

後吳淞... 蛟死... 祭鱷... 渡索...

蘇文書... 蛟死... 祭鱷... 渡索...

蘇文書... 蛟死... 祭鱷... 渡索...

蘇文書... 蛟死... 祭鱷... 渡索...

楊榮

楊榮字勉仁福建七安人建文二年進士授翰林編修燕  
王入國首迎戴受知改脩撰簡入內閣寧夏被圍上台榮  
議援師榮曰寧夏城堅人習戰度十日無繼報敵退矣已  
果然上笑曰卿榮能料敵如是皇太子立歷廢子從征本  
雅失里侍皇太孫學太孫深愛重之榮襲於邊事奉命兩  
至甘肅經畧降酋還奏皆稱旨十三年從征瓦剌兼掌尚  
寶司事上雅欲皇太孫習武事令撫軍由榮與胡廣金幼  
孜即軍中為太孫講說經史陞翰林學士時廷臣多挾恩  
寵縱不檢榮指府部院十弊密奏上恐諸大臣叢怨榮留

榮章不下。令榮意授御史鄧真。以八詔諸司。峻改進。又洙  
閣大學士。仍兼翰林學士。三殿災。奉天門東偏坊。近密閣。  
榮奮身冒入。麾士舁御書圖籍。及制勅文書。至東華門沙  
次。上珥災十事。榮雖處諸忌。然樂報同列。李時勉。方賓。及  
夏原吉等。有罪。皆以榮言獲解。二十年。阿魯台寇興和。從  
征。至殺胡原。明年。掌西征軍務。從至宣府。又明年。從征。至  
開平。榮言軍士勞苦。宜使上宣諭阿魯台。釋其不順之罪。  
班師。上崩。榆木川。時漢王方構隙。皇太子榮恐內變。秘上  
喪。不發。從官上食。起居諸事。如常儀。或欲權它事。用勅。榮  
曰。大行不可欺。因馳計皇太子。太子踐祚。進榮太常卿。逾



月加太子少傅。兼謹身殿大學士。尋加工部尚書。給三俸。與蹇夏西揚同輔政。而軍旅事一以諮榮。宣德元年。漢王高煦反。榮首勸上親征。上難之。榮曰。陛下不見李景隆事乎。上頗原吉。原吉曰。榮言是。上意決。從。抵高煦歸。三年。兀良哈犯塞。從征。至寬河。加少傅。是時西北多事。運籌猝應。內閣顧獨推榮。士奇等諸不及。榮從文皇涖邊久。邊將習榮往來。頗密。禮部尚書張瑛。東宮舊臣也。私言上。榮畜馬甚富。數與邊將交通。上語士奇。士奇頗為榮解。上曰。朕初即位。榮數短卿。乃為之地耶。然自是不能專任榮。英宗初。皇太后秉政。寵遇無替。正統三年。與西揚並進少師。闕振

乃日伺三揚短嘗語榮等曰三先生亦頗老倦矣榮曰當  
汲後輩以報國士奇出讓榮榮曰彼一旦出片帑指其上  
入閣吾輩有束手去耳多助亦一說也士奇嘆服五年榮  
歸省墓振乘榮去誣榮嘗受宗室某賄榮聞憤懣還京平  
武林驛年七十贈太師謚文敏榮敏而能斷願議事未嘗  
不遜西楊每秋諸大臣會讞英國下俱退避僉俟二楊先  
生西揚訊之至不可了榮一問却決文皇英武群臣奏對  
少稱旨獨愛榮才時怒他大臣不省事榮至輒霽威前此  
臨朝每至日昃榮以裕陵幼冲早朝額言八事先以副呈  
閣中豫處分用為例子泰頗橫其孫指揮炷習驕奢多貨

人天順初為鄉人所訐籍其家燔易姓名遁去久之露重  
刑不承死獄中成化中給還田產而長支遂絕

論曰三楊皆粉飾盛明之才顧文敏歸為知兵文皇時  
頗游心域外雖漠北無功南交不卒然兵威所建寔占  
國運榮之翼贊有大過文貞文定者丘瓊山概歸過諸  
楊或有未當獨其不早制閩振卒為所困然則處得為  
而不為猶因時為功名者哉方仁廟嚴儀在室華表享殿  
擊費東曰守厥之代莫比而朝遂著為令代者億萬以福建  
海運多漂得請折漕志著為令或以其有濟物之仁不忍  
却人之惠頗為致囑使百職不能一意由此

按適去當是匡汪直党韋瑛察瑛託營幹盡有其貨乃  
 出燔死獄而父建寧衛指揮泰坐斬之贖為民連泰昂  
 兵部主事仕偉中書舍人仕敬泰偕禮部主事董序  
 外譎京問官王應奎高崇或以曲徇故崇死獄應奎  
 成嗟三楊而失詒謀獨文定之任其子嘉可者多  
 清耗是刑所為有其家者哉

賦哉心... 論曰三... 而下... 八天... 賦哉心... 論曰三... 而下... 八天... 賦哉心... 論曰三... 而下... 八天...

楊溥

楊溥字宏濟湖廣石首人建文時胡儼以桐城令典試楚溥舉鄉試第一明年第進士授翰林院編修燕王入國歸誠上北巡侍東宮洗馬居守南都上入中貴譏以東宮迎駕慢速宮僚黃淮先至下獄楊士奇金問繼至上曰士奇尚可宥朕不識問何人下法司訊詞連溥并下錦衣獄溥坐獄十年長陵崩乃釋為翰林學士時循文皇故事別建弘文閣思善門尤選用文儒而以閣印授溥掌其事陞太常卿仍兼翰林院學士宣德元年罷閣務入文淵溥乃上還閣印上復命與士奇等同辦內閣事進禮部尚書學士

如故。正統元年，天子幼冲，昭皇后臨御，復命仍直文淵。與二楊同知經筵。先是，獻陵嘗與后言東宮時事，輒慘然泣下。至是，后坐便殿，英國公輔、大學士士奇、榮及溥、尚書澐、被旨入朝。英宗東立，輔等分行下立。太后語次及溥，嘆曰：先皇帝常稱卿忠，不謂今日得復相見。溥伏地泣。太后亦泣。左右皆悲愴。后顧上曰：此五臣三朝簡任，皇帝萬幾非經五臣贊畫，不可行。宣宗實錄成，進少保、武英殿大學士。溥文學不及東里，政事不及建安，而德量過之。子自石首來省，言江陵令范理殊不當見意。溥特薦陞理德安太守。再擢貴州左布政使，或勸理宜致書謝。理曰：宰相為朝廷

用人非私理也。華容劉仁宅，大夏父也。令瑞昌，與高安令同入覲，皆溥隣邑子。溥遣僕賙之，僕報高安令雅稱官，劉令瓦盆煤灶，殊不似溥，輒薦仁宅為御史。後仁宅家居，溥展墓還里，過華容，私造仁宅仁宅偶他往，妻適過隣家磨麵去，溥引子大夏入內視，卞所有牀上蒲席布被而已，喜曰：操若是良御史哉！不語姓名，去已大夏白父，仁宅曰：此必鄉先生楊少保也。其觀人于所忽，若此。正統十一年卒。壽七十有五，贈太師，謚文定。

論曰：所謂南楊文學不及顧，未必耳。胡儼初評其鄉試卷，有曰：他日立玉階，方寸地必能為董子之正言，而不效漢





宋禮

宋禮字大本，河南永寧人也。洪武中以太學生授山西僉事。坐事左遷戶部主事，已復謫戍寧夏。建文初，薦起為陝西僉事，又坐事左遷刑部員外郎。燕王入國，歸誠，署禮部主事。俄陞禮部右侍郎，改左。明年尚書工部，上歆都北平，奉命取材川蜀，禮乃奏木自行出大谷，達于江，聲吼如雷，路草不偃。上命代輯祭告，山為聲應者三。七年內艱，詔令墨衰治事，禮不避巖險，萬材畢具，上以為能。九年，召還督濬會通河。明年漕成，又入蜀，九載考績，理獄江西。明年又入蜀，病召還部，督造番舟，又造黃舟，而是年又入蜀。明年

卒於蜀。禮性剛峻。在蜀多年。民稍苦之。卒之日。橐無遺貲。人不可見德。然肇建工役。非禮不辦。漕渠之在江淮間者。平江侯陳瑄功為大。在齊魯間者。禮功居多。初禮疏漕時。用老人白英畫築壩寧陽。盡挪全汶之水。無東流。使入南旺。湖南旺者。運河春也。水至南旺中分之。分十之四南流。以屬徐。分十之六北流。達臨清。相地高下。遞增水閘。以時蓄洩。自分水至臨清。地降九十尺。為閘十有七。達于漳御。自分水至沽頭。地降百十有六尺。為閘二十有一。達河後夫。三十萬。功十旬。蠲租一百十萬石。南北運始通。而又虞河之歲。變蝕漕也。用侍郎張信畫疏魚王口。至中梁。俾復舊。

河故道。以殺水勢。用御史許謨畫。自衛河東北。疏至海豐。古河以洩衛河之水。於是漕無河憂。漕粟直至京師。而海運罷不用矣。上賞漕功。禮為第一。洪熙元年。賜祭墓。正德中。賜祠會通河上。

論曰。治水利木。宗大本職五行之二矣。木之自行其常也。吼則水為之。若山之聲應。頗近誣說。治漕典平江埭。而率用人言。大率本之壺漏。非臆測能百世也。



黃福

黃福字如錫山東昌邑人也。洪武中以龍江衛經歷上書言事稱旨。超拜工部右侍郎。燕王入國自陳為奸臣所累。上復其官。已而李景隆指福為齊黃黨。福厲聲臣罪固應死。但自臣為奸黨。臣死不服。上不問。尋轉左。逾月與蹇夏俱陞尚書。永樂三年都御史陳瑛劾福。改行部。南交平。以尚書兼掌交趾布按二司事。福善綏輯彝民。新附頗馴習。中朝士遷諫至者咸見存恤。戒郡縣吏專撫字毋苛切。中官馬騏怙恩肆虐。福數裁抑之。騏亟去。福劾上書誣福有異志。上察其妄不問。昭皇即位。召還。福在交趾十八年內。

外艱皆奪情在事。還日交人扶携走泣。不忍別。以福兼詹事府詹事。宣德元年。騏驎交趾。反仍以福工部尚書兼詹事。出領交趾藩臬事。而總兵官柳升統大軍偕行。升至陷沒。福被執。賊一見皆驚。下馬羅拜曰。公不北歸。我曹不至。此言已皆泣下。餉白金餘糧。肩輿衛出境。福至龍川。悉以賊遺歸官。還京為行在工部尚書。福持正不阿。上命觀劇。戲曰。臣性不好此。命圍棋。復對曰。臣愚不解。帝不樂。改南京。四年。出與平江伯瑄。贊理漕河。疏請屯種積糧。以省漕粟。事不果行。上後得福。疏宮中。出示閣臣。士奇曰。福所言智慮深遠。悔不能用。改南京戶部尚書。明年兼掌兵部。初

上好遊觀，蹇夏諸大臣多阿順。福獨以礼自持。裕陵即位，加少保，叅贊機務，留都以文。臣叅贊機務，自福始。正統五年卒。上之日室無百緒，福嘗以人才出於學校，宜設監司提督。迄今憲臣之有提學，由福議也。成化元年，追封太保，謚忠宣。

論曰：忠宣黨齊黃，必誤國。乃不黨齊黃，果克定國乎？以齊黃為奸，則所為持正不阿者，當是何等？願在交十八年，可為信之專矣，而不免監騏之譖，使台騏而老福交藩，可百世版南服無缺。若夫心積之疏，行可為綱，邊長計而惜不果行。至于學督以憲体臨之，可嚴聖教不意。





黃淮

黃淮字宗豫浙江永嘉人。洪武丁丑舉二甲進士授中書舍人。壬午燕師渡江淮與周是脩等約同死國已而降燕簡入內閣授翰林院編修進侍讀三月議立東宮淮從解縉後請立嫡以長仁宗既為皇太子命淮以庶子兼侍讀五年進右春坊大學士輔導皇太孫七年帝巡狩北京命饗義金忠揚士奇及淮留守適長沙妖人李法良作亂皇太子命豐城侯李彬討之漢王論彬不任淮爭之曰豐城老將必能成功既而法良就禽漢王益忌淮九年阿魯台來降請併女直吐蕃諸部屬其約束廷議未決淮曰北國

狼子野心。雖其黨則易制。併為一則難圖。上顧左右曰。黃  
淮如立高岡。無遠不矚。上令中書舍人二十八人習義獻  
書。淮兼領其事。嘗請脫墨匠陳宗淵入士流。許之。十一年  
再命留守南京。陞翰林院學士。時漢王高煦日夜讒監國  
以迎駕遲緩。收淮等繫獄中。歷十年。仁宗嗣位。出繫。加少  
保。戶部尚書。兼武英殿大學士。仁宗宴駕。皇太子方奉命  
省孝陵未至。淮及楊士奇等佐鄭袞獻王監國。宣德改元  
八月。漢王高煦反。上親征。命淮留守。師旋。因請歸田。適外  
艱歸。喪畢。詣闕謝。賜遊西苑。乘肩輿。登萬歲山。餞太液池。  
諭曰。明年卿來看朕生日。如期至。寵錫有加。淮家居二十

餘載。正統十四年卒。壽八十三。謚文簡。祭酒劉益謂淮好  
訾毀同列。或曰方正學尹昌隆許白雲之極刑皆出於文  
簡。

論曰黃文簡生平止處分阿魯台一語推此可以料  
邊。若夫方許等故自求死非文簡所能贊一辭以其  
好訾毀故曲罪之而尹昌隆指方黃為奸頗似黃福  
然則坐呂震而死不得稱誣。



胡儼

胡儼字若思，江西南昌人。舉洪武丁卯鄉試第二。明年會試副榜，授華亭教諭。改長垣，上疏乞便養親。改餘干，遂著為令。建文中，陞桐城知縣，御史大夫練安薦儼召至京。燕兵渡江，儼歸誠，與翰林檢討解縉等七人同直內閣。儼通象緯，識占候，歷陞左諭德，兼侍讀。外艱，詔奪情。儼持論頗戇急，諸同事頗不能容。尋陞國子祭酒。上北征，以祭酒兼侍講，掌翰林院事，輔導皇太孫監國。洪熙元年，以疾乞休，加授太子賓客，致仕。儼代宋訥在國學二十餘年，時諸生托故告歸者，例法戍邊，賴儼申論得免。時人稱宋方止而

胡寬厚儼雖出內閣不復預機務然朝廷大制作凡脩太  
祖實錄永樂大典天下圖志皆推總裁

論曰祭酒寬享自不及訥頽色笑匪怒為風人之所深

嘉但朝夕聖經忠孝大義鑿而不免奪情在後世沸

廷諍為名高者不知其幾矣

其或云劉... 為冷製之中... 清信... 附... 附... 附...

附

尹昌隆

尹昌隆江西泰和人。建文元年，以御史應詔陳言，直云：「奸臣專政，陰盛陽衰，謫見於天。是以地震，執政惡之，出知福寧，已復原官。燕兵日逼，漫上書言：『大事去矣。』北來章奏，每自許周公輔成王，不若罷兵息戰，許其入朝。彼既欲申大義於天下，不應遽爾違背。設有蹉跌，便須讓位，不失守藩。若沉吟不斷，禍至無日。雖求為丹徒布衣，不可得矣。不報。」

革命日，昌隆名在奸籍，驅出就戮。乃當陞大呼，有奏牘在，可覆也。檢得之。燕王曰：「火燒頭，早用此言。」南北生靈受禍，不若是酷。遂貸昌隆以為北平刑部主事。後坐呂震誣死。

論曰。以建文中專政諸臣。謂不解事。腐不及情。則可。而加以奸之一字。千古寒心矣。出諸燕王之口。不得已也。出諸燕王得國後諸臣之口。不得已也。未至壬午而削。憤出於夫以草朝為遜國。此事後權詞猶之。後世之尊稱讓皇也。而顧欲寔見其事於當日乎。寔見其事于當日。無論必不令終。即長世克保。貽羞社稷。何如身付一炬之為烈也。而昌隆猶以丹徒布衣。差勝于死。昧大小之分。無過於此矣。初附奸黨。胡為乎。

昌隆猶以丹徒布衣差勝于死昧大小之分無過於此矣初附奸黨胡為乎

昌隆



金幼孜

金幼孜，江西新淦人。少習春秋，與同邑練子寧俱負時名。練自許忠臣，語幼孜公治世良臣也。建文中，練職臺憲，幼孜以進士授戶科給事中。燕師渡江，子寧死節，幼孜歸誠。改翰林檢討，入內閣轉侍講，授太子春秋。遷左春坊左諭德。永樂八年，上北征，與胡廣、楊榮等扈行。在後，復兩扈北征，還次清水源，帝命幼孜刻石紀行。使後世知朕親征，過此歷文淵閣大學士。仁宗嗣位，以本官兼戶部右侍郎，加太子少保、兼武英殿。明年，復兼禮部尚書。宣德初，扈從巡遼，度鷄鳴山，上語及唐太宗征遼，出此對曰：此舉太宗後

亦悔之矣。憫忠閣所由建也。時傳元亡，鷄鳴山崩。上又以為問，對曰：順帝務自亡，雖山不崩，何濟？上曰：信然。六年卒，贈少保，謚文靖。幼孜簡易，沉默不務為名，病劇，或勸稍請身後之澤，正色曰：為子孫求祿，君子所耻。

論曰：時文淵諸臣，祇解與二楊贊，未前得當，而不聞訕幼孜與淮儼等，可謂和衷夫。恥為子孫求祿而未諗已，所以有恥云何。

蹇義

蹇義字宜之、四川巴人也、初名鏐、洪武十八年進士、授中書舍人、奏事稱旨、上丹書義字、易其名、命滿九載用之、建文中以太祖意、起陞吏部右侍郎、義居位歲餘、無能有所短長、博士王紳貽書責之、燕王入國、義典侍郎夏原吉並迎戴、改左、再閱月、進尚書、是時上方勇除建文諸新例、義曰、監成憲者、豈無因革、反亂政者、自有經權、為陳故事、本末上以為允、或遂譖義、不忘讓、皇上不聽、曰、人才皆出皇考、造就豈因先朝用事而遂棄也、永樂七年、上巡北京、皇太子監國、義等留輔、其時朝議大事、太子多關決、士奇義

醇謹而已。十一年上征瓦剌還東宮迎上遲行速諸輔導  
臣義中途放還尋亦併釋士奇餘皆下詔獄十九年三殿  
災奉命巡行天下義曰國家多事吏難盡法繩束特斥太  
甚者數人所過諸令長問所以安集百姓者悉條奏行之  
二十年坐縱有罪下錦衣衛頌繫逾旬乃釋仁宗嗣位進  
義少保兼尚書左丞相一歲中歷陞少師賜義及原  
吉等五人誥詞上親增二語以勉之上即世二陵實錄皆  
義監脩宣德元年扈上出定樂安歸以年高不煩部務朝  
夕侍左右顧問時非內閣而以師保預閣務唯義與原吉  
二人及裕陵即位齋宿得疾上令太監范弘就卧問所欲

言義對曰。望聖明敬守成憲。遂卒。贈太師。謚忠定。子英。荃。皆尚寶司丞。

論曰。以醇謹得君。以苛察得君。義與陳瑛。陳瑄。等當有間。而時稱義善謀。顧未見其寔。是義歷事五朝。五十餘年。季連稱義依違承順。唐之蘓橫。後宋之三晉。宰相蓋其人云。



胡濙

胡濙字源潔南直武進人建文二年進士授兵科給事中燕王得國歸誠永樂元年轉戶科都給事中時傳讓皇荒遊命濙名訪張三羊徧行郡縣歷楚湖南最遠久之還報無所踪跡會藩王屢造飛語危監國命濙以禮部右侍郎出巡江浙便調察監國得失南京濙廉七事密聞言太子孝謹無他上疑乃釋仁宗嗣位轉太子賓客燕南京祭酒上偶宮中得濙前七事疏召謝濙卿故忠質朕乃不知卿宣德中歷行在戶部尚書正統中即行在禮部偶失印上不問更給之乃北狩濙留守

鄉王

即真進濙太子太傅

議迎上皇時王文厲色曰孰

可和不金帛必土地

方衆相顧不敢言議防變方畧我與總戎責也衆

退澆竟上奉迎儀注明年右都御史楊善北使澆請附進

上皇衣幣不報上皇北還居南宮澆請明年正旦百官朝

上皇延安門不許二年吳異乞歸不許其冬上皇萬壽節

澆請百官拜賀延安門復不許三年加少傅懷獻太子立

進燕太子太師初帝之易儲都御史王文主之驟陞吏部

尚書入直文淵閣吏科都給事中林聰擬草彈文文先畧

御史劾聰私其甥官善地下廷議必比律殺聰廷臣多附

文者澆獨語文曰公以宿憾而殺諫官母乃不可及署奏



濛不興、曰公等自為之移疾不出、上遣太監興安問濛疾、  
濛曰、老臣無疾、聞廷議殺聰、悸不安耳、興安還報、聰得不  
死、左遷國子監學正、上皇復位、力疾不見請老、去上念濛  
忠、憫官其子長寧錦衣衛鎮撫、世襲、然竟以易儲清議削  
宮僚、秋免歸、卒年八十有九、贈太保、謚忠安、濛平易寬和、  
自奉澹泊、立朝幾六十年、十知禮部貢舉、濛朽在娘、母夢  
僧遺花一枝、乃誕、濛白髮、曰眉誕之明日、有僧至、索見觀、  
見見僧笑、僧曰、此吾師天池後身也、命我來見、以笑為誌、  
此下、  
濛之夕、常郡守夢濛、以僧服入

辭



張純

張純字昭李

富平人。洪武中舉通經為東宮侍書。

以通政左叅議遷左叅政雲南初平以純為叅政勅以日  
省目覺忠格誠合復賜詩二章送之在治五年百政興舉  
乃設廟學錄上勅諭三條及諸武臣所以經理蠻方者于  
尊經閣而序其端有云虞書以典命名釋者謂冊在几上  
象尊閣之意也以見聖人經營之勤逸不忘勞安不忘危  
敢告後之君子又作公解記文而申其後曰雲南荒阻于  
古不治部種如蜂蟻梁縱恣安悖亂耐饑渴旱暵  
走險誠殊死不顧頽暗于事机雖則易合亦復易

事則宜。供蕩簡易。提守大綱。或有。竊賊。乘其未。滋。雲。擊。雷。擊。指。的。而。中。之。斯。亦。攻。心。伐。謀。之。大。端。矣。數。年。吏。民。享。悅。秩。滿。上。令。勿。考。重。書。勞。之。達。文。初。召。為。吏。部。尚。書。燕。兵。起。指。錄。中。朝。奸。臣。二。十。八。人。統。與。焉。已。迎。附。赦。為。尚。書。如。故。久。之。上。曰。卿。老。矣。與。戶。部。尚。書。王。鈺。並。解。職。務。半。俸。居。京。師。統。與。退。自。經。吏。部。之。後。堂。

論曰。純才亦足錄二十八人。數應列宿。即偶晦不墮也。自絕吏部之後。堂。純只是。愧。而。論。者。寬。之。曰。愧。

罪惟錄列傳卷之二十一

播匿諸臣列傳總論

避之字始於易降之而為避之降之而為逃至降之加播  
 與匿則有大不得已者矣不見知而不悔避無聲無臭為  
 天載不覩不聞為聖功而莫顯莫見率幸此性學之達  
 天過心若夫舜與益成避非避之謂也而避有不  
 同日滿一以敬天位避成以不成皆如公盛  
 德歸焉而至於逃之有同而為天下萬世計夫採  
 藥之逃即運知養養採薇之逃節正自  
 非不事為敬而

六有首陽

二乃

之辭而知則因之棄骨肉委坟墓。嘗交游。痲形。後  
 和。蓋區之視逃。更屬艱貞。逃無有迹之者。區則刻  
 與。為隣矣。而播馬者。越國編都。甘于人外。猶。逃無迹  
 之者。我。諸。其山陽城之迹。萬不得見此。凡矣。吾為  
 是傳。頓。莘野之去。就。而深求。聘。不即。似猶解。逃  
 之義。而五湯五紱。踪。彼此。占。秦晉朝暮。何異。吾死乃  
 亮志焉。湯。無利天下之心。其。聘。為。而。求也  
 以上。不用。至五。不用。然後奉天以救民。是湯。不克。公  
 尹。其君。而。公。尹。於。天下。此。數。公。者。或。嘗。就。夏。我。未。嘗

就。夏。而。必。不。欲。為。湯。所。知。論。者。或。欲。以。尹。通。之。而。清。  
公。自。誓。不。能。就。夏。而。不。就。湯。而。已。矣。





播匿諸臣列傳

嚴德明、錢魁、李希賢、唐桂芳

嚴德明，吳人。洪武中，拜左僉都御史。視篆以疾求歸，上怒黜其高謫，戍南丹。後得代還，居郡樂橋，布衣徒步。宣德末年猶存，有西軍以調征過吳，暴苦民家。德明奮手毆之，西軍訟於直指李三。逮至，李高坐，跪德明聽訴。德明曰：「老子亦曾在臺勾當公事，領不曉三尺。悍若此，李猶未解。」又曰：「老子於洪武時，曾為臺長。今都察院堂板所稱嚴德明是老子。」李大驚，急持起，延問舊事。歡洽竟日，詰朝往謁之。則先期擔一囊，走出徒空屋。而三間而已。久之，同鄉御史

繆讓延教授李綺飲、邊與席、德明貧甚、頂小帽已綻、用縹布補綴、綺異之、問曰、老人犯何法而致黥、德明因從容款述前事、綺大驚、拜請罪、德明曰、先時國法甚嚴、吳中仕者鮮或全、老子不食之、碩菓也、此破帽豈易勝哉、因北面拱手曰、聖恩、聖恩、

錢甦字更生、南直常熟人、初名沂、字伯興、坐事當刑、子迎代之死、故易今名、博學洪辭、洪武中、召至中書、見胡惟庸、長揖不拜、左右叱之曰、未拜天子、不敢私相、公也、惟庸不悅、令簡冊於後湖、久不得見、會元幼主死、翰林譔祭文、不稱旨、縣構能文者、甦擬撰有云、朕之得復我中國之故、有

汝之失。棄其沙漠。所本無。上得之大喜。即日召見。欲官之。  
以老疾辭。賜歸里。因諭便道徧告諸有司。明主在上。宜悉  
心奉公。毋虐吾民。亂吾法。魁奉旨過句容。直入堂誦此數  
語而退。次至丹陽亦然。丹陽令疑之。曲款而飛騎以聞。上  
復召魁曰。吾汝諭而不汝符。吾之失也。句容令坐踈慢死。  
曹孫昕宣德中進士。歷湖廣布政使。以廉慎稱。  
李希賢號愚菴。元末隱夾谷。性行峻茂。貫群籍。洪武中  
上手書徵至。為諸王師。教嚴毅。授左春坊贊善大夫。燕王  
得國。希顏歸。舊隱落魄。夾谷有孔子廟。棲其中。教授生徒。  
或感時浩嘆。陶情杯酒。容與謳歌。足跡不入城市。有藩司

騶輿訪之。道遇一野老。枕布囊草臥。前驅蹴之。故希顏也。遂與班荆傾倒。以別。居鄉每首戴箬笠。身緋袍。或臨盛會。坐客嘲白。所戴者常服。衣者君賜也。忍笑以死。

唐桂芳。字仲實。新安人。學淹貫。元末聘主明道書院。漢友諒延置軍中。一夕脫去。太祖下歙。食院鄧愈薦者。儒朱升姚璉并桂芳。上問芳築城怨乎。曰怨。立命撤工。後進不嗜殺人。數語規上。賜帛去。食院聘掌儒學事。退受徒。為終老計。稱白雲先生。旋拜紫陽書院山長。邁致清言。文章以氣為主。

論曰。開國法嚴。大率蹇拙獲全。德明甦坐刑餘。希顏教



一、...  
 二、...  
 三、...  
 四、...  
 五、...  
 六、...  
 七、...  
 八、...  
 九、...  
 十、...

一、...  
 二、...  
 三、...  
 四、...  
 五、...  
 六、...  
 七、...  
 八、...  
 九、...  
 十、...

孫鎮石 允常 周縉 孫岳

孫鎮、直隸合肥人。洪武中中制科，除戶部主事。時以課程事，罪本部官。鎮諫不宜連坐，謫戍雲南，尋復其官。擢衛輝知府。燕兵至，抗節不附。壬午秋，謫戍山海二十餘年。宣德初，薦起為上饒丞，不受。號冲玄子以終。

石允常，字恒德，浙江寧海人。洪武甲戌進士，歷官河南僉事。廉介有聲，人稱石清潭。時微行民間，聞哭聲甚悲，廉知其女為閹宦逼奸而死，受其訴，聞於朝，捕宦抵大辟。為說所構，左遷常州府同知。燕師入，允常棄官歸。已追論，建文間廢毀周府官僚事，逮至者五十餘人。允常與焉，鍛鍊百端。

堅不肯服。繫獄二年，免死。謫戍中屯衛，躬環甲冑。歲二十  
年，年七十代還，過南畿，感愴病卒舟中。遺文曰：遇安集，  
周縉字伯紳，湖廣武昌人。洪武中，貢入太學，授永清典史。縉  
居官廉謹，攝令事捕蝗，裨益燕。兵起，一時守令多迎降，永  
清地尤近燕，縉竭力拒守，而民爭逃散，縉度不可為，懷印  
南奔，道聞母喪，還家，塋畢，即出，糾義旅，勤王。戰艦戎器，畧  
具。燕師銳不能戰，棄走，匿民間。已而踪跡漸露，械送京師，  
詔獄。久之，成興州，居數年，子代還，屏迹田園。年八十終。吳  
文定寬為縉傳，有曰：以愧世之為子公而倖免者，是時吏  
部言前北平屬州縣官朱寧等二百九十八，當燕兵起時，



俱棄職遠避。宜置法典。俱戮成。繕其一也。

孫岳、洪武中從大將立功。官至都督同知。建文中充鳳陽守將。燕兵起。大修戰具。撤寺材為戰艦。接櫓戈甲。咸有法式。列寨淮西。水陸有備。燕兵竟從下流渡淮。金川不守。岳猶堅守中都。永樂元年。法司劾岳。逮至京。戍海南死。

論曰。自孫鎮以下。四人皆抗志壬午。遠戍不歸者也。俱播越不播越不安。



陳暉

馬溥徐真孫  
成王貴孫霖  
王資劉

陳暉國初為姚州衛指揮，建文中累官至都督。四年，戰真保滄德之間，頗先登，嗣與同官馬溥、叅將徐真從將軍何福軍靈壁，食盡，將就糧於淮，期砲突圍出，適燕師傳砲攻城，軍士誤信，爭門出，軍遂亂。平安及暉等皆被執，械送北平。中道暉溥真與都指揮孫成、王貴等二十人夜遁，各變姓名逸去。溥壽州人，父鑑開國功臣。官至都督，僉事。溥襲武德衛指揮，累陞都督。永樂中有薦起暉叅贊韓觀軍務，暉匿不出。時孫霖亦指揮，為唐禮先鋒，東昌之後，霖營滑口，夜燕軍襲破營，禮被擒，霖遁去，不知所之。



豐寅初陳周劉亨徐安何應泰金焦趙天泰鄭洽程  
亨趙清王璉林大同牛景先等

豐寅初字復初浙江鄞縣人洪武為國子司業抗疏諫張  
燈勅謫德化教諭建文壬午棄官躬耕年百有五歲子慶  
給事中孫熙弘治己未榜眼

陳周直隸蘇州人建文中進士與吳僧道衍善永樂初衍  
因薦辟之周不赴逃隱錫山終其身

劉亨字嘉會江西廬陵人博通經史洪武壬戌以賢人君  
子徵親左辭歸久之復舉明經脩行入對稱旨命說書於  
華蓋殿坐言事出為壽州訓導建文初應詔上書言文武

並用長久之計。六卿職卑於五軍，當並為一品。國子祭酒師表天下，士位不當在太僕下。諸武臣子弟，他日當授之兵。宜立學教之，多見聽用。陞武進丞，於縣治旁作善教坊。再思亭以風勵民。庶三年上績，賜勅褒寵。燕王入國，棄官歸。有言亨昔嘗上書改舊制者，上不問。杜門絕跡，有薦入館，闈修永樂大典，因以疾辭。湖廣廣東聘為考官，亦皆不就。宣德中，監察御史尹崇高復言亨有學行，雖老猶勝教官。亨造朝，自言年將八十，不足任教事。上曰：伏生九十尚傳經，何難？亨辭益懇。吏部尚書郭璉上言：老者安之，聖教也。宜聽還鄉得歸。卒於家。

徐安、浙江鄞縣人。建文中為鳳陽守。燕兵至，逆拒之。加。擢。漣江。去。不知所。何應泰先世鳳陽人。父仕元四川。廉訪使。過閩中。以其俗質直。解官居焉。襍編戶。見父老。輒執卑。自下。閩人忘其為故吏。課勅子弟嚴。應泰少時。父所授經史。至老。日誦不遺。隻字。川中諸儒咸以為不及。洪武初。以孝弟博聞。入國學。九年。詔擇上舍生。備燕府官屬。授泰奉祠。燕王頗愛重之。嘗宣至帷幄。屏人咨議。泰具以盾對。退為忠恕銘。以自盟。建文元年。藩邸諸臣各膺顯秩。泰猶稱疾不起。陳昌積以為蜀多大隱云。

金焦直隸貴池人。建文元年為御史。燕兵起，尹昌隆上疏請讓位。焦劾昌隆無人臣禮。尋陞刑部右侍郎。又論李景隆懷貳不可任。壬午六月之變，焦赴亡。留蜀。後與王資同往河南死。祥符。

趙天泰，陝西三元人。建文元年，以明經為翰林院編脩。出亡時衣葛。因自稱衣葛翁。又號天有子。老死於蜀。

鄭洽，南直浦江人。為翰林院待詔。金川門開，洽中堂匾額無故墮地，驚而逃去。至蜀道病，留公安茅菴中。遂卒。

程亨，山西澤州人。張昺之親也。為翰林院簡討。京師陷，棄家逃匿。及昺被族，尋抄亨家。逮亨妻楊氏，子禮。禮妻張氏。



焚死亭就郭節於連州相持痛哭遂偕節四人同詣重慶  
相傳走瑛遇程濟於白龍山引拜讓皇帝榻前  
趙清南直鳳陽人有膂力善用兵洪武中積功歷後軍都  
督僉事清觀北平嘗懷隱憂輒致仕去燕兵起黃齊諸臣  
薦清以河南兵守彰德燕兵即城下招清對使者曰殿  
下至京城但出片紙招清清不敢不至今為朝廷守封疆  
不敢棄命失職燕王入國後召清清以老乞閒  
王璉字器之日照人洪武中薦賢能授寧波知府璉自奉  
儉約一日吏以時具魚肉璉大怒撒而瘞之號埋羹太守  
靖難兵至江上璉治艦循海道勤王為衛吏卒所縛詣燕

燕王問治艦何為。徐對曰：趁瓜州，截北，兵南下，耳。王不殺。連、釋，還里。鄭人王學憲潤玉為連贊曰：始終一德云。林大同，字逢吉，先長樂人，其曾祖官常熟，因家焉。大同幼孤露，無寒暑，手自抄六經子史數千卷，攻苦不休。洪武中，為開封訓導，以病歸。永樂中，一再遣人取白不起。牛景先，沈人，官御史，金川門失守，易服宵遁。至舟陽，遇一僧，徐行吉，速行凶，遂改姓名徐行，死於杭州寺中。後因究治齊黃事，執景先次妻劉氏，沒入教坊。劉氏死，遺子能，凡五世不肯讀書出仕。萬曆中，祠祭郎葛寅亮詢訪忠良為之洗滌云。

論曰、壬午之故、有心人得遂其志、名俱泰、如豐、寅初而  
下倖也。夫寅初、亨、焦、號、名、諫、安、清、俱、城、守、逆、拒、周、應、泰、  
大同、不、赴、薦、天、泰、洽、肥、遁、而、亨、景、先、身、雖、全、被、族、獨、慘  
矣。而埋美太守反以慢語得完。燕王曰、彼求死而吾故  
生之。



居士

河西傭雪菴和尚大采會稽樵雲門僧補鍋匠洞庭  
地極寒傭衣葛衣過河西依莊浪豪魯家為傭傭受直積  
易羊裘被之必覆之故葛衣破縷屨夏或衣暑布故葛  
衣仍覆其上間以傭錢市牛酒與諸乞兒對飲食力作倦  
或吟哦成句石以示人嘗夜聞其哭泣聲永樂中有留都  
官以公事至莊浪識傭欲與言傭走匿南山中旬月留都  
官去乃還有問留都官傭何人留都官亦不答在莊浪數  
年病且死呼主人謝之且囑曰死勿殮我幸西北風大起

火我無埋我骨魯家從其言。或曰欽天監曰正王之臣。襄陽人也。

雪菴和尚名暨方黃之獄酷烈已甚暨不知何官慟哭薙髮為僧西南走重慶之善慶里與隱士杜景賢往來白龍諸山景賢微知其異為之結寺松栢灘和尚率其徒數人入居之。昕夕焚誦。鄉之人不察乃易乾卦詞也。景賢曰和尚預治釋而誦儒。和尚亦微會景賢意改誦佛書。和尚好閱楚詞掉小舟急難中流誦讀一葉已輒投水輒哭已又讀讀終卷投盡乃已。衆莫測其云何。景賢固知之然亦不問和尚不戒酒客至輒飲或拉樵收共醉曰我歌爾和。

歌竟瞑焉而卧。和尚頰形秀碩，指柔白剪，落筆成章，頰能感愴人。時興一補鍋匠相接，或曰和尚以賢良任御史。建文中，上書劾耿李二大將軍失律，不問，改翰林學士。壬午六月之變，家人驚潰相失，疑其已死，發喪。或云御史實剃髮，與編脩程濟從建文帝出走，因秘迹以死。居巴縣僧寺，自號雪菴。死之日，其徒問曰：師昂死，宜何銘？和尚張目曰：松陽。問其姓名，不荅。時在成化初年，踰百歲矣。蓋松陽者，葉希賢也。其後馮文所嘗遊黔西永洪菴，菴在萬山溪處，其僧徒皆謂昔建文嘗駐此三十年，尚有墨迹。後自滇而粵，不知何往。又云初來時，兩比丘與俱，未幾即去，押所

謂希賢與濟耶

大呆者。寓居東陽縣之東山。永樂初。自稱大呆子。性天然。儀容俊偉。披麻戴笠。不為鮮好。與之遊飲。每得其詩畫。詩畫雖未過人。亦不俗。將死。囑主人曰。斂我屍。縣於林水足矣。主人卒葬之。常有歌云。七年艱難走閩越。日夜思親鬢成雪。回顧往事付空花。形影相隨水百結。當時恨不早見幾。扁舟一棹江南歸。西風塵土障天起。秋水鱸魚空自肥。即今寄食荒村裏。佳士出迎常倒屣。當歌對酒忍暫歡。握手論心愧知己。老懷豈能忘故山。神遊往往於其間。為君於此轉悽惻。片雲零落何時還。或有歌贈王姓者。署宗



兄字人測知其姓王亦時稱玉華山樵或云指揮王資也  
會稽之耶溪有樵者日鬻薪二束足食則已食已嘗畫詩  
於沙溪畫已則亂其沙人怪之或從其後抱持乃得見其  
詩有云夢入鷓斑觀紫宸覺來依舊泣孤臣半生家國惟  
餘我萬里江山已屬人無地可容王燭死有薇堪濟伯夷  
貧伶仃苟活緣何事要了焚心一點真尋匿去不知所終  
或曰兵部侍郎襄陽廖平

雲門僧者棲會稽之雲門寺寺最幽寂嘗從一童子携酒  
具筆墨泛舟而遊賦詩滿袖歸則焚心不言其所以人亦  
莫之識或云南康蔡運以叅政改知賓州

補鍋匠。往來夔慶間。至州邑。不過三日。即去。或復來。夔  
慶人有欲學補鍋者。即教之補鍋。不索謝。令負擔從。如是  
數年。夔慶間人識之。皆呼為老補鍋。遇風雨寒暑。止蕭寺  
中。忽逢馮翁者。於夔市相顧。愕然已。而相持哭。哭已相牽  
入小巖中。語竟日。學補鍋者屏不得聞。語已。又相持哭。別  
去。言今永訣。不可復相見。作詩道別。隨裂碎。吞之。偶出  
見數老引滿。聯句思苦。溢補鍋在側。為輒然者。再老怒曰。  
汝即能廢我句乎。為應韻而就。老驚起。延上坐。問以他事。  
不答。卒。晦以死。馮翁在夔州。以章句教童子。給衣食。能為  
古詩。輒自題馬。子或馬公。或塞馬先生。嘗作詩大書壁。

間。比見補鍋匠歸，則剗去。詩曰：夜夢何奇特，龍飛天漢津。朝橫滄海曲，夕過滇池濱。光燁皆五色，蜿蜒無損鱗。淵田變化間。張主籍高旻。時蓋永樂甲申乙酉間，未幾，肆主人去，莫知所終。或曰：黃直與馮灌也。直常州人，以侍中改按察使，灌黃巖人，為刑部司務。

洞庭居士，匿其名，寄寓洞庭湖傍，日泛湖，大醉，大哭，哭已復飲，醉每與所睡二人俱。及病革，大言我建文時編脩也。二人為墓訖，去之，人亦莫知二人姓名也。時林大同方家居，姓一哭。

論曰：其諸匿名迹以自全者歟，傭出人下，幸不為北平

一人下也。雪菴雲門二僧。其恭外教之一人歟。玉華會稽二樵。幸不出人下。何有一人之下。遇夔慶客洞庭。錯破柰何。非魚不樂乎。而提不忘故人。一人或曰者。未心之辭也。後人蛇足之也。

此其武士國其...  
 奈其非其...  
 去其...  
 變外...  
 隨...  
 隨...

龔翔宋味古儲福

龔翔字大章。或曰姓王。直隸崑山人。通書史。年十七。為金川門守卒。比兵入。衆皆迎降。翔遠走。大哭。尋受徒。自給。宣德中。周巡撫文襄。兩薦為崑山太倉教官。辭不就。曰。翔仕無善於義。莫安頓。向城門哭也。竟隱遁。終其身。門人私謚安節先生。弘光初。追贈翰林院待詔。仍私謚。

宋味古。會稽宋家店人也。壬午之變。味古往往夜深。從星月下。疊牀北向拜祭。祭已。慟哭。如是者月餘。為讐家所告。逮捕。其子某請代。乃得釋。

儲福。南直無錫人。洪武初。隸燕山衛籍。年二十餘。頗好義。

燕兵起福感憤挈母妻避燕王得國詔勾成卒入伍福在  
錄中調由靖衛皆行急福仰天嘆曰吾雖賤初義不為從  
逆之臣號泣不輟竟不食死母韓妻范為營地蓋之范時  
年二十奉姑甚謹每哭其夫則走山谷中大號不欲聞之  
姑也一日往澗邊浣衣見其傍草可以為蓆因取之織蓆  
售以養姑姑年七十餘終為營塋廬於墓傍身亦八十餘  
卒後蓆草遂不生土人義之即其廬葺為崇孝菴如先  
初追贈福指揮使謚貞義妻范氏孝節泮人  
論曰何必播玉登朝有無可辭者哉門卒衛伍店氓豈  
曾一分正學諸公講座一日

梁田玉 郭良 梁中節 梁良用 宋和 何申

梁田玉浙江定海人。建文中刑部郎中。燕王入國。田玉與葉御史希賢俱自髡方外。出久之。松陽主人王詒遊治平寺。忽聞轉藏。唯曰自作聲異之。令人緣其頂得書。塵中已號。過字斷續。不可讀。讀數日。稍上錄。其可識者。九九人。人僅數言。詔憐其忠。為贊教語。題曰忠賢奇秘錄。贊田玉曰。行儒名釋。知我者誰。至寶淪沒。久而同輝。郭良與定海梁中節。相約棄官。為道士去。合贊之曰。駕言引導。嘯傲林壑。用以自默。就此龍蹄。戈我虞日。重明麗霽。顏波莫挽。仰天以號。白霓晝見。使我心勞。梁良用亦定海人。父子兄弟。

作佳錄 卷二

人同仕於朝。金川不守，相率變姓名避去。良用去為舟師，已而死於水。贊曰：汎汎栢舟，載浮載沉。中流誓節，懷我好音。肯欠一死，匪名是尋。以完我秩，庶慰我心。終為以沒，屈子同名。又梁良玉、田玉從兄弟，田玉為僧死，良玉訣妻踰嶺，至海南鬻書為業，以死。贊曰：忠臣蹇蹇，遵彼海潯。耽書翫市，贊以盍簪。屯如遭如，哀此陸沈。宋和臨川人，郭節，連州人，皆中書舍人，變姓名，挾卜筮書，走異域賣卜，給衣食。客死。何州，海州人，與宋和郭節友善，素以忠義相勗，棄官為筮客，死異域。王詔合和節州而系之，贊曰：箕子陳範，嚴氏隱卜，義有從否。道有宜吉，烈已英賢，寥已冥鶴。何申、建



文末以中書舍人奉使四川。至峽口。聞全川門不守。發憤  
傷哭。嘔血。不數日。疽發背死。贊曰。兩涯洶洶。中作霹靂。義  
氣馮殷。與之俱激。奸諛過此。寧不惕息。鄭端簡為隳括王  
子之詞。合而銘之。曰。今吾故吾。知我者誰。瘡若漆身。希踪  
採薇。戢戢潛龍。寥々冥鷲。豈吝箕疇。而甘漢卜。山椒水滸。  
天涯海濶。會其可逢。鼓以南音。肯欠一死。以明我心。白霓  
晝見。虞淵沉沉。孰呵護此。悠悠古今。

論曰。治平無聲。田王九人。紙泥矣。遜國諸公。宋張林黃。  
搜得十一。詔復得此。縉雲鄭僖。為識其事。然則泯無聞  
者。豈少哉。東吳史仲彬。次亡臣。似演義本。謂並預扈蹕。



繆恭

繆恭、字思敬、南直太平人、天順中、同門友謝昭、因石亨得  
官、走其門者如市、恭貽書曰、石且旦夕人矣、遠之不暇、而  
欲藉以壽乎、未幾卒如其言、弘治初、走京師、以布衣上書、  
所請六事、一保神器、二崇正學、三始絕屬、四懷舊勳、五廣  
言路、六革冗員、其絕屬者、封建庶人為王、奉懿文太子  
祀、世世通政、使見之、大驚、拘留兵馬司、劾恭非所宜言、上  
不罪、勅有司遣歸、常絕食、杜門不出、自稱小茅山鐵杖、與  
同邑趙白雲為方外交。

論曰、讓皇父子事、雖歷朝議及、皆不果、至弘光中、禮始



田時震

劉守彝

田時震字御宿號見龍陝西人以天啓壬戌進士歷監祭御史家居李賊犯長安脅降諸紳時震獨不至潛溪山以櫬自隨使者至出坐櫬以加擬喉曰必欲相強請以櫬報使者不敢逼賊怒繫其子而腹索父不得殺之太原及東師追賊有長安時震復錕溪山大書扁其堂曰不忠不孝旁柱聯傷父母之體謂之不孝負朝廷之恩謂之不忠或以其不恭迷訊庭對曰李吾讐矣聞之臣之於君猶妻之於夫也李殺我夫旁有好義為挺刃正殺夫之罪然則感其恩失身從之乎訊者憐其義釋之去復窮逋不知所之



章正宸

董孝何弘仁沈綵

王季木楊金錫

卒

章正宸字羽侯號格庵浙江會稽人崇禎癸未進士由

庶吉士歷吏科都給事中言笑巾服真氣可挹弘光中以

原官起用首疏勤學辦官肅綱紀正人心四事有云陛下

為先帝復讐遠建鴻業而肘腋之間威令阻隔臣恐不逞

之徒相緣而起天啓之季喪心媚逆視君父如行路餘孽

猶存薰習弥甚也請確核附賊姓名下廷臣公議今別正罪

如唐肅宗所定之六等宋李綱所議之三等振勵國威獎

扶士節全係於此又言今日江左形勢視宋晉更為艱難

肩背腹心三面受敵悍將驕兵一無足恃而當事碩泄

偷息。兩月以來。聞大吏錫鞶矣。不聞獻馘。聞武臣私聞矣。不聞公戰。聞老成引遯矣。不聞設幟。聞諸生捲堂矣。不聞請纓。如此而曰興朝之氣象。臣雖愚知其未也。今者都門舉動。工作儀文。紛々興舉。識者固已疑之。至於省視小陵。祔真梓宮。起居青宮二王。何等切要。而遲々其行。何以昭陛下每飯不忘寢廟之意。又聞北事種々勢。搖山東。而當國大臣。倉皇罔措。損威屈體。隳天下忠臣義士之氣。臣竊羞之。臣切痛之。伏乞縞素六師。親蹕淮右。人切同仇。鼓動江北。失今不為。轉眼秋高。控弦南指。飲馬長淮。而賊又馳突荆襄。順流東下。危解已成。噬臍何及。不省。轉大理寺丞。



尊解去。魯王監國起歷禮部尚書大學士北師入城。正宸走父  
榮。餓十四日不死。遂削髮雲遊。不知所之。又同縣諸生董  
孝瞻亦於城破之日遁去。

何弘仁，號書臺，浙江會稽人。崇禎甲戌進士，以不營官，  
亦不甚達。乙酉，魯王監國紹興，弘仁亦與定策，擢御史。

入越，弘仁偽作書傳米芾，棄嶺樹下，使人訛傳

已死。詩曰：有心扶日月，無計葦江山。云云。復署尾云：弘仁

間，閑奔行在，間台又失守，已矣。無復可為。吾非吾身，吾何

家為。吾子者，食貧守節可知。明御史何弘仁。

沈綵，字素先，浙江會稽人。崇禎癸酉舉順天賢書。乙酉，魯

王監國紹興八月、閩詔下、監國不奉詔、閩閩部黃鳴俊將  
以兵入越、綵係鳴俊門下士、王加綵御史銜、與御史王紹  
美、逆鳴俊於金華、綵議論侃、鳴俊為色沮、大畧云、閩越  
競辛苦馬上、止以大明二字、魯單露沮江、當衝數月、功莫  
大焉、非有方、鄭諸將軍、夫石錢塘、仙霞嶺下、戎卒不臥久  
矣、魯為唐捍邊、奈何自撤其藩、且情有所不忍、唐魯皆高  
皇帝子、始以兄弟至親、魯以閩六月起、唐以七月起、事遲  
而欲先功多者、竊為天下所誚笑、且唐非有小振作、以厭天  
下也、土地之非朱氏者、無數矣、勤此半浙、置江以北、不問  
亦何足為武、即使魯屈奉命、天下以唐無遠畧、徒創骨月

宗室之起為難者豈少哉。豪傑欲起。正在瞻望。此豈闕墻之時耶。事成而聽天人之所歸。未晚。於是唐姑使御史陸清源發餉三萬兩。馳檄江上諸營。而不即魯厄。綵力居。越敗。監國駕之台州。綵追不及。偽投八官江而死。匿姓名。亡。劫。先是李賊陷陝西。王季木失其名。府谷人以進士歷。劉遠總督。方家居。賊陷。漸去。不知。兩之相傳。楊公錫。高。紹興之湯湖。公錫。福建人。

論曰。越中三教。言劉念臺。熊而股。章格菴。是也。而越中三。素身。則格菴。又與書。臺素。先昂。足素。先諷。論。足比。閩之劉中藻。而書臺。文采頗有餘。孔子曰。股有三仁。三子

可以連念。甚而段死。越諸公弗後。曰去與死一也。而段之去。以段存。

刺人者。甲申後。晦其名。自託于遺民之義。曰刺。意不有其身也。嘗設位祭崇禎帝。併諸死崇禎帝者。為人所首。定南王見其披緇狀。憐之。縱去。

... 隆慶... 崇禎... 南王... 披緇... 縱去... 崇禎... 南王... 披緇... 縱去... 崇禎... 南王... 披緇... 縱去...

黑子僧

黑子僧。貌短小。美鬚髯。年約四十以外。即其音似燕薰人。左目角有黑子。從一頭陀。號七寧國人。壬辰八月。半峯者。以僧服遊廬山。遇之。語相得。與作伴。黑子無所攜。止一囊。以具耳。出口經史。而不稍具鉛槧。半峯請其姓名。固不答。但曰鷲靈。頃自黃山來。即駭頭陀。固不知黑子何自。與其真姓名也。半峯以為通者。遂不問。其自言亦但以半峯云。相與同至西湖。入法相寺。就所為聽月者。居焉。聽月雖僧。好交溪人。故不必二僧。氏籍三人。相對極秘。終不言甚。故黑子談古事甚詳。如懸河。至烈皇帝。便口吃。與半峯臥。

起。隔一板。或中夜聞涕注聲。問之。復不答。嘗出吳道子所畫孔子像。縣中堂。以僧禮拜之。口哦而無詩。偶書字。案几。輒以手抹去。不令人見。明年九月。半峯欲歸。葬其父母。別欲款語黑子。此行矣。請悉微示我。或得再晤。何處。則趨口曰。再晤再晤而已。不益一字也。半峯為四韻贈之。黑子輒引半峯筆。踵前韻。既成。手碎之。曰。吾不能書。勿令知我。手指如是。半峯別去。與語家粵東。則曰。吾須看粵東。又明年。忽辭聽月去。嗣遣頭陀駿。一寒溫聽月。不知何之。竟亦不走。看半峯也。半峯者。廣東陳忠愍那彥子。名恭尹。字元孝。忠愍以弄兵及難。故恭尹為野走。余晤半峯。得從錄。

諸。迷。潛。故。事。忠。愍。別。有。傳。而。聽。月。為。余。族。弟。得。臨。濟。之。傳。者。法。名。

論曰。吾見楊思仁。氣體儼重。殊非尋常。來湖上。數月。卒不出真。里氏已釋去。黑子僧。抑又溪秘矣。胸中有文字。能不合五指。漏出。譬之棋。傍不一口贊。如絕不知棋。此何等。堅。忍。始。知。報。菴。王。杞。人。終。是。五。指。惹。事。





劉永錫

漢人

劉永錫字歛于。河南魏縣人。少負奇節。化象緯兵農之學。無不精研。人稱洹水夫子。崇禎丙子。鄉薦。就教長洲。甫渡江。聞京師陷。刺船歌曰。白日落兮水茫茫。家千里兮來遠方。壯士離憂兮。何時歸故鄉。音耶慷慨。同舟皆泣下。南都再造。或先容於馬貴陽。永錫謝不應。署崇明。得民及解去。來吳。號拔者萬人。先是有濟南老人。匿姓名來遊吳。自號漢人居學宮。停永錫與深交。老人攝衣直入樓上坐。不問寒暑也。南都復敗。永錫隱東門之外陽城。或重其名。百說之出。永錫偏袒扼腕。疾視曰。我中原男子。年二十渡漳河。

登大伾。躍馬振襟。而河豪傑。無不知永錫者。柰何庭辱我。  
再。至。我。裂。尺。帛。以。待。矣。自。是。草。衣。敝。履。以。葛。巾。護。其。髮。日。  
坐。土。室。中。久。之。其。子。臨。從。故。里。來。道。墮。馬。死。永。錫。曰。天。之。  
報。我。何。厚。哉。作。歌。曰。邈。彼。中。流。兮。采。其。苻。矣。思。君。與。父。兮。  
遑。問。他。矣。身。為。飢。夫。兮。天。所。命。矣。中。心。慙。兮。今。涕。之。隕。矣。  
歌。罷。輒。淚。下。永。錫。長。八。尺。容。貌。故。甚。偉。至。是。毀。形。骨。主。兩。  
嶺。突。見。者。哀。之。甲。午。秋。病。劇。獨。呼。烈。皇。帝。者。三。卒。濟。南。漢。  
人。徒。跣。至。拊。其。背。哭。曰。嗟。乎。劉。公。鬚。眉。無。恙。哉。陳。子。濟。生。  
為。經。紀。其。喪。葬。之。

論曰。欽于欲為漢人。而不得。蒼涼客死。採薇之歌。應采。

符以闕之漢人果得為漢人矣。濟生字皇士常類刻節  
義詩章而系之傳於闡幽之功居多。疏後其門下人且  
以其遺草漁之得反坐。

論曰刻知地人知人知天去之知地不知其詳也



劉貞士

劉貞士、失其名、江西吉水人、苗京師授徒二十年、通堪輿  
術、亦諳天文、秉筆太監多有出其門者、太監杜袂亨、亦嘗  
就教、甲申赴京謁選、寓袂亨家、偶夜觀乾象、驚歎大慟、杜  
叩其故、不得、及賊圍城急、杜復就問、怒曰、若事聖君、當盡  
心報國、他非所知、次日見杜有從賊之志、倒几案、怒罵而  
出、不至家、雲遊、

論曰、劉知地、又知天、知天去之、知地不知其所之、

鶴。曰。隱。味。此。又。味。又。味。又。去。之。味。此。不。味。其。味。

志。不。至。老。言。哉。

山。跡。遍。出。非。此。味。火。日。見。林。有。跡。烟。之。志。備。小。樂。意。盡。以。

平。其。始。不。辭。及。始。聞。如。是。林。身。始。聞。其。日。來。事。望。其。當。盡。

原。始。甲。申。桂。主。能。是。高。林。言。卷。而。身。應。其。者。變。加。大。漸。林。

林。亦。語。天。不。事。華。大。隨。多。有。止。其。門。去。大。並。林。始。言。亦。當。

隱。實。士。夫。其。名。以。而。吉。水。入。德。京。始。終。終。二。十。年。而。終。其。

隱。實。士。

王兆熊

王兆熊建寧人為浦城學諭。為行好古。嘗讀鄭所南心史。涕泣盈把。甲申聞國變。歸不食者數日。其門人潘達為疏。進飲食。不死。遂鬻其所藏書。得三十金。給妻孥。訣曰。若以此歸舍。譬兆熊此日死。棄徑出門。北踰嶺。每至城市。人烟處。便下拜呼曰。若祖父衣食何家。天子死社稷。胡不起。條金陵八事。格不得上。依史閣部揚州。史曰。公此心無所用矣。素何為對。注。率稿素不如草。史後殉國。兆熊不知所終。

論曰。此潘達為余言之。達字雪生。癸未贛余門。善書。

余命書余柱。聯十字。何人也。作史。吾黨未成章。撥合  
 撰。晉乘不果。又云。長沙郭都賢。以己未進士。歷江西巡  
 撫。都御史。甲申後。祝髮為僧。遺世故。

新。事。外。王。和。史。傳。孫。上。及。日。公。以。公。海。州。月。美  
 勤。下。拜。中。日。無。歸。又。不。身。所。著。天。亡。天。終。斷。附。不。送。和。金  
 新。合。營。北。慈。如。日。吳。乘。對。之。門。北。能。麻。華。至。海。東。入。陸。家  
 與。結。不。不。天。慈。營。其。初。有。書。影。三。十。室。能。要。老。姓。日。慈。以。女  
 新。五。區。外。甲。中。開。個。雙。轉。不。身。本。姓。日。其。以。入。新。慈。以。新  
 王。北。慈。要。人。區。而。無。老。能。善。什。子。古。善。新。雅。和。德。乙。更

王北慈